

## रामचरितमानस अरण्यकाण्ड

### मङ्गलाचरण

श्लोक

मूलं धर्मतरोर्विवेकजलधेः पूर्णन्दुमानन्ददं  
वैराग्याम्बुजभास्करं ह्यघघनध्वान्तापहं तापहम् ।  
मोहाम्भोधरपूगपाटनविधौ स्वःसम्भवं शङ्करं  
वन्दे ब्रह्मकुलं कलंकशमनं श्रीरामभूप्रियम् ॥१॥  
सान्द्रानन्दपयोदसौभगतनुं पीताम्बरं सुन्दरं  
पाणौ बाणशरासनं कटिलसत्तूणीरभारं वरम्  
राजीवायतलोचनं धृतजटाजूटेन संशोभितं  
सीतालक्ष्मणसंयुतं पथिगतं रामाभिरामं भजे ॥२॥

सोरठा

उमा राम गुन गूढ पंडित मुनि पावहिं बिरति ।  
पावहिं मोह बिमूढ जे हरि बिमुख न धर्म रति ॥

चौपाई

पुर नर भरत प्रीति मैं गा  
अब प्रभु चरित सुनहु अति पावन । करत जे बन सुर नर मुनि भावन ॥  
एक बार चुनि कुसुम सुहाए । निज कर भूषन राम बनाए ॥  
सीतहि पहिराए प्रभु सादर । बैठे फटिक सिला पर सुंदर ॥  
सुरपति सुत धरि बायस बेषा । सठ चाहत रघुपति बल देखा ॥  
जिमि पिपीलिका सागर थाहा । महा मंदमति पावन चाहा ॥  
सीता चरन चौंच हति भागा । मूढ़ मंदमति कारन कागा ॥  
चला रुधिर रघुनायक जाना । सीक धनुष सायक संधाना ॥

दोहा

अति कृपाल रघुनायक सदा दीन पर नेह ।  
ता सन आइ कीन्ह छलु मूरख अवगुन गेह ॥१॥

चौपाई

प्रेरित मंत्र ब्रह्मसर धावा । चला भाजि बायस भय पावा ॥  
धरि निज रुप गयउ पितु पाहीं । राम बिमुख राखा तेहि नाहीं ॥  
भा निरास उपजी मन त्रासा । जथा चक्र भय रिषि दुर्बासा ॥  
ब्रह्मधाम सिवपुर सब लोका । फिरा श्रमित ब्याकुल भय सोका ॥  
काहूँ बैठन कहा न ओही । राखि को सकइ राम कर द्रोही ॥  
मातु मृत्यु पितु समन समाना । सुधा होइ बिष सुनु हरिजाना ॥  
मित्र करइ सत रिपु कै करनी । ता कहँ बिबुधनदी बैतरनी ॥  
सब जगु ताहि अनलहु ते ताता । जो रघुबीर बिमुख सुनु भ्राता ॥  
नारद देखा बिकल जयंता । लागि दया कोमल चित संता ॥  
पठवा तुरत राम पहिं ताही । कहेसि पुकारि प्रनत हित पाही ॥  
आतुर सभय गहेसि पद जा  
अतुलित बल अतुलित प्रभुता  
निज कृत कर्म जनित फल पायउँ । अब प्रभु पाहि सरन तकि आयउँ ॥

सुनि कृपाल अति आरत बानी। एकनयन करि तजा भवानी ॥

सोरठा कीन्ह मोह बस द्रोह जद्यपि तेहि कर बध उचित।  
प्रभु छाड़ेउ करि छोह को कृपाल रघुबीर सम ॥२॥

चौपाई रघुपति चित्रकूट बसि नाना। चरित किए श्रुति सुधा समाना ॥  
बहुरि राम अस मन अनुमाना। हो  
सकल मुनिन्ह सन बिदा करा  
अत्रि के आश्रम जब प्रभु गयऊ। सुनत महामुनि हरषित भयऊ ॥  
पुलकित गात अत्रि उठि धाए। देखि रामु आतुर चलि आए ॥  
करत दंडवत मुनि उर लाए। प्रेम बारि द्वौ जन अन्हवाए ॥  
देखि राम छबि नयन जुड़ाने। सादर निज आश्रम तब आने ॥  
करि पूजा कहि बचन सुहाए। दिए मूल फल प्रभु मन भाए ॥

सोरठा प्रभु आसन आसीन भरि लोचन सोभा निरखि।  
मुनिबर परम प्रवीन जोरि पानि अस्तुति करत ॥३॥

छंद नमामि भक्त वत्सलं। कृपालु शील कोमलं ॥  
भजामि ते पदांबुजं। अकामिनां स्वधामदं ॥  
निकाम श्याम सुदरं। भवाम्बुनाथ मंदरं ॥  
प्रफुल्ल कंज लोचनं। मदादि दोष मोचनं ॥  
प्रलंब बाहु विक्रमं। प्रभोऽप्रमेय वैभवं ॥  
निषंग चाप सायकं। धरं त्रिलोक नायकं ॥  
दिनेश वंश मंडनं। महेश चाप खंडनं ॥  
मुनींद्र संत रंजनं। सुरारि वृंद भंजनं ॥  
मनोज वैरि वंदितं। अजादि देव सेवितं ॥  
विशुद्ध बोध विग्रहं। समस्त दूषणापहं ॥  
नमामि  
भजे सशक्ति सानुजं। शची पति प्रियानुजं ॥  
त्वदंग्रि मूल ये नराः। भजंति हीन मत्सरा ॥  
पतंति नो भवार्णवे। वितर्क वीचि संकुले ॥  
विविक्त वासिनः सदा। भजंति मुक्तये मुदा ॥  
निरस्य  
तमेकमभ्दुतं प्रभुं। निरीहमीश्वरं विभुं ॥  
जगद्गुरुं च शाश्वतं। तुरीयमेव केवलं ॥  
भजामि भाव वल्लभं। कुयोगिनां सुदुर्लभं ॥  
स्वभक्त कल्प पादपं। समं सुसेव्यमन्वहं ॥  
अनूप रूप भूपतिं। नतोऽहमुर्विजा पतिं ॥  
प्रसीद मे नमामि ते। पदाब्ज भक्ति देहि मे ॥  
पठंति ये स्तवं  
व्रजंति नात्र संशयं। त्वदीय भक्ति संयुता ॥

दोहा बिनती करि मुनि नाइ सिरु कह कर जोरि बहोरि।  
चरन सरोरुह नाथ जनि कबहुँ तजै मति मोरि ॥४॥

चौपाई	<p>अनुसु  रिषिपतिनी मन सुख अधिकाइ निकट बैठा  दिव्य बसन भूषण पहिराए। जे नित नूतन अमल सुहाए।।  कह रिषिवधू सरस मृदु बानी। नारिधर्म कछु ब्याज बखानी।।  मातु पिता भ्राता हितकारी। मितप्रद सब सुनु राजकुमारी।।  अमित दानि भर्ता बयदेही। अधम सो नारि जो सेव न तेही।।  धीरज धर्म मित्र अरु नारी। आपद काल परिखिअहिं चारी।।  बृद्ध रोगबस जड़ धनहीना। अधं बधिर क्रोधी अति दीना।।  ऐसेहु पति कर किए अपमाना। नारि पाव जमपुर दुख नाना।।  एकइ धर्म एक ब्रत नेमा। कायँ बचन मन पति पद प्रेमा।।  जग पति ब्रता चारि विधि अहहिं। वेद पुरान संत सब कहहिं।।  उत्तम के अस बस मन मारी। सपनेहुँ आन पुरुष जग नारी।।  मध्यम परपति देखइ कैसें। भ्राता पिता पुत्र निज जैसें।।  धर्म बिचारि समुझि कुल रह  बिनु अवसर भय तें रह जो  पति बंचक परपति रति कर  छन सुख लागि जनम सत कोटि। दुख न समुझ तेहि सम को खोटी।।  बिनु श्रम नारि परम गति लह  पति प्रतिकुल जनम जहँ जा</p>
सोरठा	<p>सहज अपावनि नारि पति सेवत सुभ गति लह  जसु गावत श्रुति चारि अजहु तुलसिका हरिहि प्रिय।।५क।।</p>
चौपाई	<p>सनु सीता तव नाम सुमिर नारि पतिब्रत करहि।  तोहि प्रानप्रिय राम कहिउँ कथा संसार हित।।५ख।।  सुनि जानकी परम सुखु पावा। सादर तासु चरन सिरु नावा।।  तब मुनि सन कह कृपानिधाना। आयसु होइ जाउँ बन आना।।  संतत मो पर कृपा करेहू। सेवक जानि तजेहु जनि नेहू।।  धर्म धुरंधर प्रभु कै बानी। सुनि सप्रेम बोले मुनि ग्यानी।।  जासु कृपा अज सिव सनकादी। चहत सकल परमारथ बादी।।  ते तुम्ह राम अकाम पिआरे। दीन बंधु मृदु बचन उचारे।।  अब जानी मैं श्री चतुरा  जेहि समान अतिसय नहिं को  केहि विधि कहौं जाहु अब स्वामी। कहहु नाथ तुम्ह अंतरजामी।।  अस कहि प्रभु बिलोकि मुनि धीरा। लोचन जल बह पुलक सररीरा।।</p>
छंद	<p>तन पुलक निर्भर प्रेम पुरन नयन मुख पंकज दिए।  मन ग्यान गुन गोतीत प्रभु मैं दीख जप तप का किए।।  जप जोग धर्म समूह तें नर भगति अनुपम पाव  रधुबीर चरित पुनीत निसि दिन दास तुलसी गाव</p>
दोहा	<p>कलिमल समन दमन मन राम सुजस सुखमूल।  सादर सुनहि जे तिन्ह पर राम रहहिं अनुकूल।।६(क)।।</p>
सोरठा	<p>कठिन काल मल कोस धर्म न ग्यान न जोग जप।</p>

परिहरि सकल भरोस रामहि भजहिं ते चतुर नर ॥६(ख)॥

**चौपाई** मुनि पद कमल नाइ करि सीसा। चले बनहि सुर नर मुनि  
आगे राम अनुज पुनि पाछें। मुनि बर बेष बने अति काछें ॥  
उमय बीच श्री सोहइ कैसी। ब्रह्म जीव बिच माया जैसी ॥  
सरिता बन गिरि अवघट घाटा। पति पहिचानी देहिं बर बाटा ॥  
जहँ जहँ जाहि देव रघुराया। करहिं मेध तहँ तहँ नभ छाया ॥  
मिला असुर बिराध मग जाता। आवतहीं रघुवीर निपाता ॥  
तुरतहिं रुचिर रूप तेहिं पावा। देखि दुखी निज धाम पठावा ॥  
पुनि आए जहँ मुनि सरभंगा। सुंदर अनुज जानकी संग ॥

**दोहा** देखी राम मुख पंकज मुनिवर लोचन भृंग।  
सादर पान करत अति धन्य जन्म सरभंग ॥७॥

**चौपाई** कह मुनि सुनु रघुवीर कृपाला। संकर मानस राजमराला ॥  
जात रहेउँ बिरंचि के धामा। सुनेउँ श्रवन बन ऐहहिं रामा ॥  
चितवत पंथ रहेउँ दिन राती। अब प्रभु देखि जुड़ानी छाती ॥  
नाथ सकल साधन मैं हीना। कीन्ही कृपा जानि जन दीना ॥  
सो कछु देव न मोहि निहोरा। निज पन राखेउ जन मन चोरा ॥  
तब लागि रहहु दीन हित लागी। जब लागि मिलौं तुम्हहि तनु त्यागी ॥  
जोग जग्य जप तप ब्रत कीन्हा। प्रभु कहँ देइ भगति बर लीन्हा ॥  
एहि बिधि सर रचि मुनि सरभंगा। बैठे हृदयँ छाड़ि सब संग ॥

**दोहा** सीता अनुज समेत प्रभु नील जलद तनु स्याम।  
मम हियँ बसहु निरंतर सगुनरुप श्रीराम ॥८॥

**चौपाई** अस कहि जोग अगिनि तनु जारा। राम कृपाँ बैकुंठ सिंधारा ॥  
ताते मुनि हरि लीन न भयऊ। प्रथमहिं भेद भगति बर लयऊ ॥  
रिषि निकाय मुनिवर गति देखि। सुखी भए निज हृदयँ बिसेषी ॥  
अस्तुति करहिं सकल मुनि बृंदा। जयति प्रनत हित करुना कंदा ॥  
पुनि रघुनाथ चले बन आगे। मुनिवर बृंद बिपुल संग लागे ॥  
अस्थि समूह देखि रघुराया। पूछी मुनिन्ह लागि अति दाय ॥  
जानतहुँ पूछिअ कस स्वामी। सबदरसी तुम्ह अंतरजामी ॥  
निसिचर निकर सकल मुनि खाए। सुनि रघुवीर नयन जल छाए ॥

**दोहा** निसिचर हीन करउँ महि भुज उठाइ पन कीन्ह।  
सकल मुनिन्ह के आश्रमन्हि जाइ जाइ सुख दीन्ह ॥९॥

**चौपाई** मुनि अगस्ति कर सिष्य सुजाना। नाम सुतीछन रति भगवाना ॥  
मन क्रम बचन राम पद सेवक। सपनेहुँ आन भरोस न देवक ॥  
प्रभु आगवनु श्रवन सुनि पावा। करत मनोरथ आतुर धावा ॥  
हे बिधि दीनबंधु रघुराया। मो से सठ पर करिहहिं दाय ॥  
सहित अनुज मोहि राम गोसा  
मोरे जियँ भरोस दूढ नार्ही। भगति बिरति न ग्यान मन मारही ॥

नहिं सतसंग जोग जप जागा। नहिं दृढ़ चरन कमल अनुरागा ॥  
 एक बानि करुनानिधान की। सो प्रिय जाके गति न आन की ॥  
 हो  
 निर्भर प्रेम मगन मुनि ग्यानी। कहि न जाइ सो दसा भवानी ॥  
 दिसि अरु बिदिसि पंथ नहिं सूझा। को मैं चलेऊँ कहाँ नहिं बूझा ॥  
 कबहुँक फिरि पाछें पुनि जाइ गुन गा  
 अबिरल प्रेम भगति मुनि पा  
 अतिसय प्रीति देखि रघुबीरा। प्रगटे हृदयँ हरन भव भीरा ॥  
 मुनि मग माझ अचल होइ बैसा। पुलक सरीर पनस फल जैसा ॥  
 तब रघुनाथ निकट चलि आए। देखि दसा निज जन मन भाए ॥  
 मुनिहि राम बहु भाँति जगावा। जाग न ध्यानजनित सुख पावा ॥  
 भूप रूप तब राम दुरावा। हृदयँ चतुर्भुज रूप देखावा ॥  
 मुनि अकुलाइ उठा तब कैसेँ। बिकल हीन मनि फनि बर जैसेँ ॥  
 आगें देखि राम तन स्यामा। सीता अनुज सहित सुख धामा ॥  
 परेउ लकुट  
 भुज बिसाल गहि लिए उठा  
 मुनिहि मिलत अस सोह कृपाला। कनक तरुहि जनु भेंट तमाला ॥  
 राम बदन बिलोक मुनि ठाढ़ा। मानहुँ चित्र माझ लिखि काढ़ा ॥

**दोहा**                      **तब मुनि हृदयँ धीर धीर गहि पद बारहिं बार ।**  
**निज आश्रम प्रभु आनि करि पूजा विविध प्रकार ॥१०॥**

**चौपाई**                      कह मुनि प्रभु सुनु बिनती मोरी। अस्तुति करौं कवन बिधि तोरी ॥  
 महिमा अमित मोरि मति थोरी। रवि सन्मुख खद्योत अँजोरी ॥  
 श्याम तामरस दाम शरीरं। जटा मुकुट परिधन मुनिचीरं ॥  
 पाणि चाप शर कटि तूणीरं। नौमि निरंतर श्रीरघुवीरं ॥  
 मोह विपिन घन दहन कृशानुः। संत सरोरुह कानन भानुः ॥  
 निशिचर करि वरूथ मृगराजः। त्रातु सदा नो भव खग बाजः ॥  
 अरुण नयन राजीव सुवेशं। सीता नयन चकोर निशेशं ॥  
 हर हृदि मानस बाल मरालं। नौमि राम उर बाहु विशालं ॥  
 संशय सर्प ग्रसन उरगादः। शमन सुकर्कश तर्क विषादः ॥  
 भव भंजन रंजन सुर यूथः। त्रातु सदा नो कृपा वरूथः ॥  
 निर्गुण सगुण विषम सम रूपं। ज्ञान गिरा गोतीतमनूपं ॥  
 अमलमखिलमनवद्यमपारं। नौमि राम भंजन महि भारं ॥  
 भक्त कल्पपादप आरामः। तर्जन क्रोध लोभ मद कामः ॥  
 अति नागर भव सागर सेतुः। त्रातु सदा दिनकर कुल केतुः ॥  
 अतुलित भुज प्रताप बल धामः। कलि मल विपुल विभंजन नामः ॥  
 धर्म वर्म नर्मद गुण ग्रामः। संतत शं तनोतु मम रामः ॥  
 जदपि बिरज व्यापक अबिनासी। सब के हृदयँ निरंतर बासी ॥  
 तदपि अनुज श्री सहित खरारी। बसतु मनसि मम काननचारी ॥  
 जे जानहिं ते जानहुँ स्वामी। सगुन अगुन उर अंतरजामी ॥  
 जो कोसल पति राजिव नयना। करउ सो राम हृदय मम अयना ॥  
 अस अभिमान जाइ जनि भोरे। मैं सेवक रघुपति पति मोरे ॥  
 सुनि मुनि बचन राम मन भाए। बहुरि हरषि मुनिबर उर लाए ॥  
 परम प्रसन्न जानु मुनि मोही। जो बर मागहु देउ सो तोही ॥

मुनि कह मै बर कबहुँ न जाचा। समुझि न परइ झूठ का साचा।।  
तुम्हहि नीक लागै रघुरा  
अबिरल भगति बिरति बिग्याना। होहु सकल गुन ग्यान निधाना।।  
प्रभु जो दीन्ह सो बरु मैं पावा। अब सो देहु मोहि जो भावा।।

**दोहा** अनुज जानकी सहित प्रभु चाप बान धर राम।  
मम हिय गगन

**चौपाई** एवमस्तु करि रमानिवासा। हरषि चले कुभंज रिषि पासा।।  
बहुत दिवस गुर दरसन पाएँ। भए मोहि एहिं आश्रम आएँ।।  
अब प्रभु संग जाउँ गुर पाहीं। तुम्ह कहँ नाथ निहोरा नाहीं।।  
देखि कृपानिधि मुनि चतुरा  
पंथ कहत निज भगति अनूपा। मुनि आश्रम पहुँचे सुरभूपा।।  
तुरत सुतीछन गुर पहिं गयऊ। करि दंडवत कहत अस भयऊ।।  
नाथ कौसलाधीस कुमारा। आए मिलन जगत आधारा।।  
राम अनुज समेत बैदेही। निसि दिनु देव जपत हहु जेही।।  
सुनत अगस्ति तुरत उठि धाए। हरि बिलोकि लोचन जल छाए।।  
मुनि पद कमल परे द्वौ भा  
सादर कुसल पूछि मुनि ग्यानी। आसन बर बैठारे आनी।।  
पुनि करि बहु प्रकार प्रभु पूजा। मोहि सम भाग्यवंत नहिं दूजा।।  
जहँ लागि रहे अपर मुनि बृंदा। हरषे सब बिलोकि सुखकंदा।।

**दोहा** मुनि समूह महँ बैठे सन्मुख सब की ओर।  
सरद

**चौपाई** तब रघुबीर कहा मुनि पाहीं। तुम्ह सन प्रभु दुराव कछु नाही।।  
तुम्ह जानहु जेहि कारन आयउँ। ताते तात न कहि समुझायउँ।।  
अब सो मंत्र देहु प्रभु मोही। जेहि प्रकार मारौं मुनिद्रोही।।  
मुनि मुसकाने सुनि प्रभु बानी। पूछेहु नाथ मोहि का जानी।।  
तुम्हरे  
ऊमरि तरु बिसाल तव माया। फल ब्रह्मांड अनेक निकाया।।  
जीव चराचर जंतु समाना। भीतर बसहि न जानहिं आना।।  
ते फल भच्छक कठिन कराला। तव भयँ डरत सदा सोड काला।।  
ते तुम्ह सकल लोकपति सा  
यह बर मागउँ कृपानिकेता। बसहु हृदयँ श्री अनुज समेता।।  
अबिरल भगति बिरति सतसंगा। चरन सरोरुह प्रीति अभंगा।।  
जद्यपि ब्रह्म अखंड अनंता। अनुभव गम्य भर्जहिं जेहि संता।।  
अस तव रूप बखानउँ जानउँ। फिरि फिरि सगुन ब्रह्म रति मानउँ।।  
संतत दासन्ह देहु बड़ा  
है प्रभु परम मनोहर ठाऊँ। पावन पंचबटी तेहि नाऊँ।।  
दंडक बन पुनीत प्रभु करहू। उग्र साप मुनिबर कर हरहू।।  
बास करहु तहँ रघुकुल राया। कीजे सकल मुनिन्ह पर दाया।।  
चले राम मुनि आयसु पा

**दोहा** गीधराज सैं भेंट भइ बह बिधि प्रीति बड़ा

## गोदावरी निकट प्रभु रहे परन गृह छा

**चौपाई** जब ते राम कीन्ह तहँ बासा। सुखी भए मुनि बीती त्रासा।।  
गिरि बन नदी ताल छबि छाए। दिन दिन प्रति अति हौहिं सुहाए।।  
खग मृग बृंद अनंदित रहहीं। मधुप मधुर गंजत छबि लहहीं।।  
सो बन बरनि न सक अहिराजा। जहाँ प्रगट रघुबीर बिराजा।।  
एक बार प्रभु सुख आसीना। लछिमन बचन कहे छलहीना।।  
सुर नर मुनि सचराचर सा  
मोहि समुझाइ कहहु सोइ देवा। सब तजि करौं चरन रज सेवा।।  
कहहु ग्यान बिराग अरु माया। कहहु सो भगति करहु जेहिं दया।।

**दोहा**

**जातें होइ चरन रति सोक मोह भ्रम जा**

**चौपाई** थोरेहि महँ सब कहउँ बुझा  
मैं अरु मोर तोर तैं माया। जेहिं बस कीन्हे जीव निकाया।।  
गो गोचर जहँ लागि मन जा  
तेहि कर भेद सुनहु तुम्ह सोऊ। बिद्या अपर अबिद्या दोऊ।।  
एक दुष्ट अतिसय दुखरूपा। जा बस जीव परा भवकूपा।।  
एक रचइ जग गुन बस जाकें। प्रभु प्रेरित नहिं निज बल ताकें।।  
ग्यान मान जहँ एकउ नाही। देख ब्रह्म समान सब माही।।  
कहिअ तात सो परम बिरागी। तून सम सिद्धि तीनि गुन त्यागी।।

**दोहा**

**माया  
बंध मोच्छ प्रद सर्वापर माया प्रेरक सीव।।१५।।**

**चौपाई** धर्म तें बिरति जोग तें ग्याना। ग्यान मोच्छप्रद बेद बखाना।।  
जातें बेगि द्रवउँ मैं भा  
सो सुतंत्र अवलंब न आना। तेहि आधीन ग्यान बिग्याना।।  
भगति तात अनुपम सुखमूला। मिलइ जो संत हो  
भगति कि साधन कहउँ बखानी। सुगम पंथ मोहि पावहिं प्रानी।।  
प्रथमहिं बिप्र चरन अति प्रीती। निज निज कर्म निरत श्रुति रीती।।  
एहि कर फल पुनि बिषय बिरागा। तब मम धर्म उपज अनुरागा।।  
श्रवनादिक नव भक्ति दृढ़ाहीं। मम लीला रति अति मन माहीं।।  
संत चरन पंकज अति प्रेमा। मन क्रम बचन भजन दृढ़ नेमा।।  
गुरु पितु मातु बंधु पति देवा। सब मोहि कहँ जाने दृढ़ सेवा।।  
मम गुन गावत पुलक सरीरा। गदगद गिरा नयन बह नीरा।।  
काम आदि मद दंभ न जाकें। तात निरंतर बस मैं ताकें।।

**दोहा**

**बचन कर्म मन मोरि गति भजनु करहिं निःकाम।।  
तिन्ह के हृदय कमल महुँ करउँ सदा विश्राम।।१६।।**

**चौपाई**

भगति जोग सुनि अति सुख पावा। लछिमन प्रभु चरनन्हि सिरु नावा।।  
एहि विधि गए कछुक दिन बीती। कहत बिराग ग्यान गुन नीती।।

सूपनखा रावन कै बहिनी। दुष्ट हृदय दारुन जस अहिनी॥  
 पंचवटी सो गइ एक बारा। देखि बिकल भइ जुगल कुमारा॥  
 भ्राता पिता पुत्र उरगारी। पुरुष मनोहर निरखत नारी॥  
 होइ बिकल सक मनहि न रोकी। जिमि रबिमनि द्रव रबिहि बिलोकी॥  
 रुचिर रूप धरि प्रभु पहिं जा  
 तुम्ह सम पुरुष न मो सम नारी। यह सँजोग बिधि रचा बिचारी॥  
 मम अनुरूप पुरुष जग माहीं। देखेउँ खोजि लोक तिहु नार्हीं॥  
 ताते अब लागि रहिउँ कुमारी। मनु माना कछु तुम्हहि निहारी॥  
 सीतहि चितइ कही प्रभु बाता। अहइ कुआर मोर लघु भ्राता॥  
 गइ लछिमन रिपु भगिनी जानी। प्रभु बिलोकि बोले मृदु बानी॥  
 सुंदरि सुनु मैं उन्ह कर दासा। परार्थीन नहिं तोर सुपासा॥  
 प्रभु समर्थ कोसलपुर राजा। जो कछु करहिं उनहि सब छाजा॥  
 सेवक सुख चह मान भिखारी। ब्यसनी धन सुभ गति बिभिचारी॥  
 लोभी जसु चह चार गुमानी। नभ दुहि दूध चहत ए प्रानी॥  
 पुनि फिरि राम निकट सो आ  
 लछिमन कहा तोहि सो बर  
 तब खिसिआनि राम पहिं ग  
 सीतहि सभय देखि रघुरा

**दोहा**            लछिमन अति लाघवँ सो नाक कान बिनु कीन्हि ।  
 ताके कर रावन कहँ मनौ चुनौती दीन्हि ॥१७॥

**चौपाई**            नाक कान बिनु भइ बिकरारा। जनु स्रव सैल गैरु कै धारा॥  
 खर दूषन पहिं गइ बिलपाता। धिग धिग तव पौरुष बल भ्राता॥  
 तेहि पूछा सब कहैसि बुझा  
 धाए निसिचर निकर बरूथा। जनु सपच्छ कज्जल गिरि जूथा॥  
 नाना बाहन नानाकारा। नानायुध धर घोर अपारा॥  
 सुपनखा आगें करि लीनी। असुभ रूप श्रुति नासा हीनी॥  
 असगुन अमित होहिं भयकारी। गर्नहिं न मृत्यु बिबस सब झारी॥  
 गर्जहिं तर्जहिं गगन उड़ाहीं। देखि कटक भट अति हरषाहीं॥  
 कोउ कह जिअत धरहु द्वौ भा  
 धूरि पूरि नभ मंडल रहा। राम बोलाइ अनुज सन कहा॥  
 लै जानकिहि जाहु गिरि कंदर। आवा निसिचर कटक भयंकर॥  
 रहेहु सजग सुनि प्रभु कै बानी। चले सहित श्री सर धनु पानी॥  
 देखि राम रिपुदल चलि आवा। बिहसि कठिन कोदंड चढ़ावा॥

**छंद**                कोदंड कठिन चढ़ाइ सिर जट जूट बाँधत सोह क्यों।  
 मरकत सयल पर लरत दामिनि कोटि सों जुग भुजग ज्यों॥  
 कटि कसि निषंग बिसाल भुज गहि चाप बिसिख सुधारि कै॥  
 चितवत मनहुँ मृगराज प्रभु गजराज घटा निहारि कै॥

**सोरठा**            आइ गए बगमेल धरहु धरहु धावत सुभट ।  
 जथा बिलोकि अकेल बाल रबिहि घेरत दनुज ॥१८॥

**चौपाई**            प्रभु बिलोकि सर सकाहिं न डारी। थकित भ



सचिव बोलि बोले खर दूषन। यह कोउ नृपबालक नर भूषन॥  
नाग असुर सुर नर मुनि जेते। देखे जिते हते हम केते॥  
हम भरि जन्म सुनहु सब भा  
जद्यपि भगिनी कीन्ह कुरूपा। बध लायक नहिं पुरुष अनूपा॥  
देहु तुरत निज नारि दुरा  
मोर कहा तुम्ह ताहि सुनावहु। तासु बचन सुनि आतुर आवहु॥  
दूतन्ह कहा राम सन जा  
हम छत्री मृगया बन करहीं। तुम्ह से खल मृग खोजत फिरहीं॥  
रिपु बलवंत देखि नहिं डरहीं। एक बार कालहु सन लरहीं॥  
जद्यपि मनुज दनुज कुल घालक। मुनि पालक खल सालक बालक॥  
जौं न होइ बल घर फिरि जाहू। समर बिमुख मैं हतउं न काहू॥  
रन चढ़ि करिअ कपट चतुरा  
दूतन्ह जाइ तुरत सब कहेऊ। सुनि खर दूषन उर अति दहेऊ॥

छंद उर दहेउ कहेउ कि धरहु धाए बिकट भट रजनीचरा।  
सर चाप तोमर सक्ति सूल कृपान परिघ परसु धरा॥  
प्रभु कीन्ह धनुष टकोर प्रथम कठोर घोर भयावहा।  
भए बधिर ब्याकुल जातुधान न ग्यान तेहि अवसर रहा॥

दोहा सावधान होइ धाए जानि सबल आराति।  
लागे बरषन राम पर अस्त्र सस्त्र बहु भौंति॥१९(क)॥  
तिन्ह के आयुध तिल सम करि काटे रघुबीर।  
तानि सरासन श्रवन लागि पुनि छाँड़े निज तीर॥१९(ख)॥

छंद तब चले जान बबान कराल। फुंकरत जनु बहु ब्याल॥  
कोपेउ समर श्रीराम। चले बिसिख निसित निकाम॥  
अवलोकि खरतर तीर। मुरि चले निसिचर बीर॥  
भए क्रुद्ध तीनिउ भा  
तेहि बधब हम निज पानि। फिरे मरन मन महँ ठानि॥  
आयुध अनेक प्रकार। सनमुख ते करहिं प्रहार॥  
रिपु परम कोपे जानि। प्रभु धनुष सर संधानि॥  
छाँड़े बिपुल नाराच। लगे कटन बिकट पिसाच॥  
उर सीस भुज कर चरन। जहँ तहँ लगे महि परन॥  
चिक्करत लागत बान। धर परत कुधर समान॥  
भट कटत तन सत खंड। पुनि उठत करि पाषंड॥  
नभ उड़त बहु भुज मुंड। बिनु मौलि धावत रुंड॥  
खग कंक काक सृगाल। कटकटहिं कठिन कराल॥  
कटकटहिं जंबुक भूत प्रेत पिसाच खर्पर संचहीं।  
बेताल बीर कपाल ताल बजाइ जोगिनि नंचहीं॥  
रघुबीर बान प्रचंड खंडहिं भटन्ह के उर भुज सिरा।  
जहँ तहँ परहिं उठि लरहिं धर धरु धरु करहिं भयकर गिरा॥  
अंतावरीं गहि उड़त गीध पिसाच कर गहि धावहीं॥  
संग्राम पुर बासी मनहुँ बहु बाल गुड़ी उड़ावहीं॥  
मारे पछारे उर बिदारे बिपुल भट कहँरत परे।  
अवलोकि निज दल बिकल भट तिसिरादि खर दूषन फिरे॥

सर सक्ति तोमर परसु सूल कृपान एकहि बारहीं ।  
करि कोप श्रीरघुबीर पर अगनित निसाचर डारहीं ॥  
प्रभु निमिष महुँ रिपु सर निवारि पचारि डारे सायका ।  
दस दस बिसिख उर माझ मारे सकल निसिचर नायका ॥  
महि परत उठि भट भिरत मरत न करत माया अति घनी ।  
सुर डरत चौदह सहस प्रेत बिलोकि एक अवध धनी ॥  
सुर मुनि सभय प्रभु देखि मायानाथ अति कौतुक कर् यो ।  
देखहि परसपर राम करि संग्राम रिपुदल लरि मर् यो ॥

दोहा राम राम कहि तनु तजहिं पावहिं पद निर्बान ।  
करि उपाय रिपु मारे छन महुँ कृपानिधान ॥२०(क) ॥  
हरषित बरषहिं सुमन सुर बाजहिं गगन निसान ।  
अस्तुति करि करि सब चले सोभित बिबिध विमान ॥२०(ख) ॥

चौपाई जब रघुनाथ समर रिपु जीते । सुर नर मुनि सब के भय बीते ॥  
तब लछिमन सीतहि लै आए । प्रभु पद परत हरषि उर लाए ।  
सीता चितव स्याम मृदु गाता । परम प्रेम लोचन न अघाता ॥  
पंचवटी बसि श्रीरघुनायक । करत चरित सुर मुनि सुखदायक ॥  
धुआँ देखि खरदूषन केरा । जाइ सुपनखाँ रावन प्रेरा ॥  
बोलि बचन क्रोध करि भारी । देस कोस कै सुरति बिसारी ॥  
करसि पान सोवसि दिनु राती । सुधि नहिं तव सिर पर आराती ॥  
राज नीति बिनु धन बिनु धर्मा । हरिहिं समर्पे बिनु सतकर्मा ॥  
बिद्या बिनु बिबेक उपजाएँ । श्रम फल पढ़े किएँ अरु पाएँ ॥  
संग ते जती कुमंत्र ते राजा । मान ते ग्यान पान तें लाजा ॥  
प्रीति प्रनय बिनु मद ते गुनी । नासहि बेगि नीति अस सुनी ॥

सोरठा रिपु रुज पावक पाप प्रभु अहि गनिअ न छोट करि ।  
अस कहि बिबिध बिलाप करि लागी रोदन करन ॥२१(क) ॥

दोहा सभा माझ परि ब्याकुल बहु प्रकार कह रो  
तोहि जिअत दसकंधर मोरि कि असि गति हो

चौपाई सुनत सभासद उठे अकुला  
कह लंकेस कहसि निज बाता । कें  
अवध नृपति दसरथ के जाए । पुरुष सिंघ बन खेलन आए ॥  
समुझि परी मोहि उन्हे कै करनी । रहित निसाचर करिहिं धरनी ॥  
जिन्ह कर भुजबल पाइ दसानन । अभय भए बिचरत मुनि कानन ॥  
देखत बालक काल समाना । परम धीर धन्वी गुन नाना ॥  
अतुलित बल प्रताप द्वौ भ्राता । खल बध रत सुर मुनि सुखदाता ॥  
सोभाधाम राम अस नामा । तिन्ह के संग नारि एक स्यामा ॥  
रुप रासि बिधि नारि सँवारी । रति सत कोटि तासु बलिहारी ॥  
तासु अनुज काटे श्रुति नासा । सुनि तव भगिनि करहिं परिहासा ॥  
खर दूषन सुनि लगे पुकारा । छन महुँ सकल कटक उन्हे मारा ॥  
खर दूषन तिसिरा कर घाता । सुनि दससीस जरे सब गाता ॥

दोहा सुपनखहि समुझाइ करि बल बोलेसि बहु भौंति ।  
गयउ भवन अति सोचबस नीद परइ नहि राति ॥२२॥

चौपाई सुन नर असुर नाग खग माहीं । मोरे अनुचर कहँ कोउ नाहीं ॥  
खर दूषन मोहि सम बलवंता । तिन्हहि को मारइ बिनु भगवंता ॥  
सुर रंजन भंजन महि भारा । जौं भगवंत लीन्ह अवतारा ॥  
तौ मै जाइ बैरु हठि करऊँ । प्रभु सर प्रान तजें भव तरऊँ ॥  
हो  
जौं नररुप भूपसुत कोऊ । हरिहउँ नारि जीति रन दोऊ ॥  
चला अकेल जान चढि तहवाँ । बस मारीच सिंधु तट जहवाँ ॥

दोहा लछिमन गए बनहिं जब लेन मूल फल कंद ।  
जनकसुता सन बोले बिहसि कृपा सुख वृंद ॥ २३ ॥

चौपाई सुनहु प्रिया व्रत रुचिर सुसीला । मैं कछु करबि ललित नरलीला ॥  
तुम्ह पावक महुँ करहु निवासा । जौ लागि करौं निसाचर नासा ॥  
जबहिं राम सब कहा बखानी । प्रभु पद धरि हियँ अनल समानी ॥  
निज प्रतिबिंब राखि तहँ सीता । तैसइ सील रूप सुबिनीता ॥  
लछिमनहूँ यह मरमु न जाना । जौ कछु चरित रचा भगवाना ॥  
दसमुख गयउ जहाँ मारीचा । नाइ माथ स्वार्थ रत नीचा ॥  
नवानि नीच कै अति दुखदा  
भयदायक खल कै प्रिय बानी । जिमि अकाल के कुसुम भवानी ॥

दोहा करि पूजा मारीच तब सादर पूछी बात ।  
कवन हेतु मन ब्यग्र अति अकसर आयहु तात ॥२४॥

चौपाई दसमुख सकल कथा तेहि आगें । कही सहित अभिमान अभागें ॥  
होहु कपट मृग तुम्ह छलकारी । जेहि बिधि हरि आनौ नृपनारी ॥  
तेहिं पुनि कहा सुनहु दससीसा । ते नररुप चराचर  
तासों तात बयरु नहिं कीजे । मारें मरिअ जिआएँ जीजे ॥  
मुनि मख राखन गयउ कुमारा । बिनु फर सर रघुपति मोहि मारा ॥  
सत जोजन आयउँ छन माहीं । तिन्ह सन बयरु किएँ भल नाहीं ॥  
भइ मम कीट भृंग की ना  
जौं नर तात तदपि अति सूरा । तिन्हहि बिरोधि न आ

दोहा जेहिं ताडका सुबाहु हति खंडेउ हर कोदंड ॥  
खर दूषन तिसिरा बधेउ मनुज कि अस बरिबंड ॥२५॥

चौपाई जाहु भवन कुल कुसल बिचारी । सुनत जरा दीन्हिसि बहु गारी ॥  
गुरु जिमि मूढ करसि मम बोधा । कहु जग मोहि समान को जोधा ॥  
तब मारीच हृदयँ अनुमाना । नवहि बिरोधें नहिं कल्याना ॥  
सस्त्री मर्मा प्रभु सठ धनी । बैद बंदि कबि भानस गुनी ॥  
उभय भौंति देखा निज मरना । तब ताकिसि रघुनायक सरना ॥

उतरु देत मोहि बधब अभगों। कस न मरौ रघुपति सर लागें॥  
अस जियँ जानि दसानन संगी। चला राम पद प्रेम अभंगा॥  
मन अति हरष जनाव न तेही। आजु देखिहउँ परम सनेही॥

**छंद** निज परम प्रीतम देखि लोचन सुफल करि सुख पा  
श्री सहित अनुज समेत कृपानिकेत पद मन लाइहौं॥  
निर्बान दायक क्रोध जा कर भगति अबसहि बसकरी।  
निज पानि सर संधानि सो मोहि बधिहि सुखसागर हरी॥

**दोहा** मम पाछें धर धावत धरें सरासन बान।  
फिरि फिरि प्रभुहि बिलोकिहउँ धन्य न मो सम आन॥२६॥

**चौपाई** तेहि बन निकट दसानन गयऊ। तब मारीच कपटमृग भयऊ॥  
अति बिचित्र कछु बरनि न जा  
सीता परम रुचिर मृग देखा। अंग अंग सुमनोहर बेषा॥  
सुनहु देव रघुबीर कृपाला। एहि मृग कर अति सुंदर छाला॥  
सत्यसंध प्रभु बधि करि एही। आनहु चर्म कहति बैदेही॥  
तब रघुपति जानत सब कारन। उठे हरषि सुर काजु सँवारन॥  
मृग बिलोकि कटि परिकर बाँधा। करतल चाप रुचिर सर साँधा॥  
प्रभु लछिमनिहि कहा समुझा  
सीता केरि करेहु रखवारी। बुधि बिबेक बल समय बिचारी॥  
प्रभुहि बिलोकि चला मृग भाजी। धाए रामु सरासन साजी॥  
निगम नेति सिव ध्यान न पावा। मायामृग पाछें सो धावा॥  
कबहुँ निकट पुनि दूरि पराइ कबहुँ छपा  
प्रगटत दुरत करत छल भूरी। एहि बिधि प्रभुहि गयउ लै दूरी॥  
तब तकि राम कठिन सर मारा। धरनि परेउ करि घोर पुकारा॥  
लछिमन कर प्रथमहिँ लै नामा। पाछें सुमिरेसि मन महुँ रामा॥  
प्राण तजत प्रगटेसि निज देहा। सुमिरेसि रामु समेत सनेहा॥  
अंतर प्रेम तासु पहिचाना। मुनि दुर्लभ गति दीन्हि सुजाना॥

**दोहा** बिपुल सुमन सुर बरषहिँ गावहिँ प्रभु गुन गाथ।  
निज पद दीन्ह असुर कहुँ दीनबांधु रघुनाथ॥२७॥

**चौपाई** खल बधि तुरत फिरे रघुबीरा। सोह चाप कर कटि तूनीरा॥  
आरत गिरा सुनी जब सीता। कह लछिमन सन परम सभिता॥  
जाहु बेगि संकट अति भ्राता। लछिमन बिहसि कहा सुनु माता॥  
भृकुटि बिलास सृष्टि लय होइ कि सो  
मरम बचन जब सीता बोला। हरि प्रेरित लछिमन मन डोला॥  
बन दिसि देव साँपि सब काहू। चले जहाँ रावन ससि राहू॥  
सून बीच दसकंधर देखा। आवा निकट जती कें बेषा॥  
जाकें डर सुर असुर डेराहीं। निसि न नीद दिन अन्न न खार्हीं॥  
सो दससीस स्वान की नाइ चला भड़िहा

नाना बिधि करि कथा सुहा  
कह सीता सुनु जती गोसा

तब रावन निज रूप देखावा। भ  
कह सीता धरि धीरजु गाढ़ा। आइ गयउ प्रभु रहु खल ठाढ़ा।।  
जिमि हरिबधुहि छुद्र सस चाहा। भएसि कालबस निसिचर नाहा।।  
सुनत बचन दससौस रिसाना। मन महुँ चरन बदि सुख माना।।

**दोहा**            **क्रोधवंत तब रावन लीन्हिसि रथ बैठा**  
**चला गगनपथ आतुर भयँ रथ हॉकि न जा**

**चौपाई**            हा जग एक वीर रघुराया। केहिं अपराध बिसारेहु दाया।।  
आरति हरन सरन सुखदायक। हा रघुकुल सरोज दिननायक।।  
हा लछिमन तुम्हार नहिं दोसा। सो फलु पायउँ कीन्हेउँ रोसा।।  
बिबिध बिलाप करति बैदेही। भूरि कृपा प्रभु दूरि सनेही।।  
बिपति मोरि को प्रभुहि सुनावा। पुरोडास चह रासभ खावा।।  
सीता कै बिलाप सुनि भारी। भए चराचर जीव दुखारी।।  
गीधराज सुनि आरत बानी। रघुकुलतिलक नारि पहिचानी।।  
अधम निसाचर लीन्हे जा  
सीते पुत्रि करसि जनि त्रासा। करिहउँ जातुधान कर नासा।।  
धावा क्रोधवंत खग कैसेँ। छूटइ पबि परबत कहूँ जैसे।।  
रे रे दुष्ट ठाढ़ किन होही। निर्भय चलेसि न जानेहि मोही।।  
आवत देखि कृतांत समाना। फिरि दसकंधर कर अनुमाना।।  
की मैनाक कि खगपति हो  
जाना जरठ जटायू एहा। मम कर तीरथ छाँड़िहि देहा।।  
सुनत गीध क्रोधातुर धावा। कह सुनु रावन मोर सिखावा।।  
तजि जानकिहि कुसल गृह जाहूँ। नाहिँ त अस हो  
राम रोष पावक अति घोरा। हो  
उतरु न देत दसानन जोधा। तबहिँ गीध धावा करि क्रोधा।।  
धरि कच बिरथ कीन्ह महि गिरा। सीतहि राखि गीध पुनि फिरा।।  
चौचन्ह मारि बिदारेसि देही। दंड एक भइ मुरुछा तेही।।  
तब सक्रोध निसिचर खिसिआना। काढेसि परम कराल कृपाना।।  
काटेसि पंख परा खग धरनी। सुमिरि राम करि अदभुत करनी।।  
सीतहि जानि चढ़ाइ बहोरी। चला उता  
करति बिलाप जाति नभ सीता। ब्याध बिबस जनु मृगी सभैता।।  
गिरि पर बैठे कपिन्ह निहारी। कहि हरि नाम दीन्ह पट डारी।।  
एहि बिधि सीतहि सो लै गयऊ। बन असोक महुँ राखत भयऊ।।

**दोहा**            **हारि परा खल बहु बिधि भय अरु प्रीति देखा**  
**तब असोक पादप तर राखिसि जतन करा**  
**जेहि बिधि कपट कुरंग सँग धाइ चले श्रीराम।**  
**सो छबि सीता राखि उर रटति रहति हरिनाम।।२९(ख)।।**

**चौपाई**            रघुपति अनुजहि आवत देखी। बाहिज चिंता कीन्हि बिसेषी।।  
जनकसुता परिहरिहु अकेली। आयहु तात बचन मम पेली।।  
निसिचर निकर फिरहिं बन माहीं। मम मन सीता आश्रम नाहीं।।  
गहि पद कमल अनुज कर जोरी। कहेउ नाथ कछु मोहि न खोरी।।  
अनुज समेत गए प्रभु तहवाँ। गोदावरि तट आश्रम जहवाँ।।

आश्रम देखि जानकी हीना। भए बिकल जस प्राकृत दीना।।  
 हा गुन खानि जानकी सीता। रूप सील ब्रत नेम पुनीता।।  
 लछिमन समुझाए बहु भाँती। पूछत चले लता तरु पाँती।।  
 हे खग मृग हे मधुकर श्रेनी। तुम्ह देखी सीता मृगनेनी।।  
 खंजन सुक कपोत मृग मीना। मधुप निकर कोकिला प्रबीना।।  
 कुंद कली दाडिम दामिनी। कमल सरद ससि अहिभामिनी।।  
 बरुन पास मनोज धनु हंसा। गज केहरि निज सुनत प्रसंसा।।  
 श्रीफल कनक कदलि हरषाहीं। नेकु न संक सकुच मन माहीं।।  
 सुनु जानकी तोहि बिनु आजू। हरषे सकल पाइ जनु राजू।।  
 किमि सहि जात अनख तोहि पाहीं। प्रिया बेगि प्रगटसि कस नाहीं।।  
 एहि बिधि खोजत बिलपत स्वामी। मनहुँ महा बिरही अति कामी।।  
 पूरनकाम राम सुख रासी। मनुज चरित कर अज अबिनासी।।  
 आगे परा गीधपति देखा। सुमिरत राम चरन जिन्ह रेखा।।

**दोहा**            **कर सरोज सिर परसेउ कृपासिंधु रधुबीर।।**  
**निरखि राम छबि धाम मुख बिगत भ**

**चौपाई**            तब कह गीध बचन धरि धीरा। सुनहु राम भंजन भव भीरा।।  
 नाथ दसानन यह गति कीन्ही। तेहि खल जनकसुता हरि लीन्ही।।  
 लै दच्छिन दिसि गयउ गोसा  
 दरस लागी प्रभु राखेंउँ प्राना। चलन चहत अब कृपानिधाना।।  
 राम कहा तनु राखहु ताता। मुख मुसकाइ कही तेहिं बाता।।  
 जा कर नाम मरत मुख आवा। अधमउ मुकुत हो  
 सो मम लोचन गोचर आगें। राखौँ देह नाथ केहि खागें।।  
 जल भरि नयन कहहिं रघुरा  
 परहित बस जिन्ह के मन माहीं। तिन्ह कहँ जग दुर्लभ कछु नाहीं।।  
 तनु तजि तात जाहु मम धामा। देउँ काह तुम्ह पूरनकामा।।

**दोहा**            **सीता हरन तात जनि कहहु पिता सन जा**  
**जौं मैं राम त कुल सहित कहिहि दसानन आ**

**चौपाई**            गीध देह तजि धरि हरि रूपा। भूषन बहु पट पीत अनूपा।।  
 स्याम गात बिसाल भुज चारी। अस्तुति करत नयन भरि बारी।।

**छंद**                **जय राम रूप अनूप निर्गुन सगुन गुन प्रेरक सही।**  
**दससीस बाहु प्रचंड खंडन चंड सर मंडन मही।।**  
**पाथोद गात सरोज मुख राजीव आयत लोचनं।**  
**नित नौमि रामु कृपाल बाहु बिसाल भव भय मोचनं।।१।।**  
**बलमप्रमेयमनादिमजमव्यक्तमेकमगोचरं।**  
**गोबिंद गोपर द्वंद्वहर बिग्यानघन धरनीधरं।।**  
**जे राम मंत्र जपंत संत अनंत जन मन रंजनं।**  
**नित नौमि राम अकाम प्रिय कामादि खल दल गंजनं।।२।**  
**जेहि श्रुति निरंजन ब्रह्म व्यापक बिरज अज कहि गावहीं।।**  
**करि ध्यान ग्यान बिराग जोग अनेक मुनि जेहि पावहीं।।**  
**सो प्रगट करुना कंद सोभा बृंद अग जग मोह**

मम हृदय पंकज भृंग अंग अनंग बहु छबि सोह  
जो अगम सुगम सुभाव निर्मल असम सम सीतल सदा।  
पस्यंति जं जोगी जतन करि करत मन गो बस सदा।।  
सो राम रमा निवास संतत दास बस त्रिभुवन धनी।  
मम उर बसउ सो समन संसृति जासु कीरति पावनी।।४।।

दोहा           अबिरल भगति मागि बर गीध गयउ हरिधाम।  
तेहि की क्रिया जथोचित निज कर कीन्ही राम।।३२।।

चौपाई       कोमल चित अति दीनदयाला। कारन बिनु रघुनाथ कृपाला।।  
गीध अधम खग आमिष भोगी। गति दीन्हि जो जाचत जोगी।।  
सुनहु उमा ते लोग अभागी। हरि तजि होहिं बिषय अनुरागी।।  
पुनि सीतहि खोजत द्रौ भा  
संकुल लता बिटप घन कानन। बहु खग मृग तहँ गज पंचानन।।  
आवत पंथ कबंध निपाता। तेहिं सब कही साप कै बाता।।  
दुरबासा मोहि दीन्ही सापा। प्रभु पद पेगि मिटा सो पापा।।  
सुनु गंधर्व कहउँ मै तोही। मोहि न सोहाइ ब्रह्मकुल द्रोही।।

दोहा           मन क्रम बचन कपट तजि जो कर भूसुर सेव।  
मोहि समेत बिरंचि सिव बस ताके सब देव।।३३।।

चौपाई       सापत ताडत परुष कहंता। बिप्र पूज्य अस गावहिं संता।।  
पूजिअ बिप्र सील गुन हीना। सूद्र न गुन गन ग्यान प्रवीना।।  
कहि निज धर्म ताहि समुझावा। निज पद प्रीति देखि मन भावा।।  
रघुपति चरन कमल सिरु ना  
ताहि देइ गति राम उदारा। सबरी के आश्रम पगु धारा।।  
सबरी देखि राम गृहँ आए। मुनि के बचन समुझि जियँ भाए।।  
सरसिज लोचन बाहु बिसाला। जटा मुकुट सिर उर बनमाला।।  
स्याम गौर सुंदर दोउ भा  
प्रेम मगन मुख बचन न आवा। पुनि पुनि पद सरोज सिर नावा।।  
सादर जल लै चरन पखारे। पुनि सुंदर आसन बैठारे।।

दोहा           कंद मूल फल सुरस अति दिए राम कहँ आनि।  
प्रेम सहित प्रभु खाए बारंबार बखानि।।३४।।

चौपाई       पानि जोरि आगें भइ ठाढ़ी। प्रभुहि बिलोकि प्रीति अति बाढ़ी।।  
केहि बिधि अस्तुति करौ तुम्हारी। अधम जाति मैं जड़मति भारी।।  
अधम ते अधम अधम अति नारी। तिन्ह मँ मैं मतिमंद अघारी।।  
कह रघुपति सुनु भामिनि बाता। मानउँ एक भगति कर नाता।।  
जाति पाँति कुल धर्म बड़ा  
भगति हीन नर सोहइ कैसा। बिनु जल बारिद देखिअ जैसा।।  
नवधा भगति कहँ तोहि पाहीं। सावधान सुनु धरु मन माहीं।।  
प्रथम भगति संतन्ह कर संग। दूसरि रति मम कथा प्रसंगा।।

- दोहा** गुर पद पंकज सेवा तीसरि भगति अमान।  
चौथि भगति मम गुन गन करइ कपट तजि गान।।३५।।
- चौपाई** मंत्र जाप मम दृढ़ बिस्वासा। पंचम भजन सो वेद प्रकासा।।  
छठ दम सील बिरति बहु करमा। निरत निरंतर सज्जन धरमा।।  
सातवें सम मोहि मय जग देखा। मोतें संत अधिक करि लेखा।।  
आठवें जथालाभ संतोषा। सपनेहुं नहिं देखइ परदोषा।।  
नवम सरल सब सन छलहीना। मम भरोस हियँ हरष न दीना।।  
नव महुँ एकउ जिन्ह के हो  
सोइ अतिसय प्रिय भामिनि मोरे। सकल प्रकार भगति दृढ़ तोरें।।  
जोगि बृंद दुरलभ गति जोइ सो  
मम दरसन फल परम अनूपा। जीव पाव निज सहज सरूपा।।  
जनकसुता कइ सुधि भामिनी। जानहि कहु करिबरगामिनी।।  
पंपा सरहि जाहु रघुरा  
सो सब कहिहि देव रघुबीरा। जानतहुँ पूछहु मतिधीरा।।  
बार बार प्रभु पद सिरु ना
- छंद** कहि कथा सकल बिलोकि हरि मुख हृदयँ पद पंकज धरे।  
तजि जोग पावक देह हरि पद लीन भइ जहँ नहिं फिरे।।  
नर बिबिध कर्म अधर्म बहु मत सोकप्रद सब त्यागहू।  
बिस्वास करि कह दास तुलसी राम पद अनुरगहू।।
- दोहा** जाति हीन अघ जन्म महि मुक्त कीन्हि असि नारि।  
महामंद मन सुख चहसि ऐसे प्रभुहि बिसारि।।३६।।
- चौपाई** चले राम त्यागा बन सोऊ। अतुलित बल नर केहरि दोऊ।।  
बिरही  
लछिमन देखु बिपिन कइ सोभा। देखत केहि कर मन नहिं छोभा।।  
नारि सहित सब खग मृग बृंदा। मानहुँ मोरि करत हहिं निंदा।।  
हमहि देखि मृग निकर पराहीं। मृगीं कहहिं तुम्ह कहँ भय नार्हीं।।  
तुम्ह आनंद करहु मृग जाए। कंचन मृग खोजन ए आए।।  
संग लाइ करिनीं करि लेहीं। मानहुँ मोहि सिखावनु देहीं।।  
सास्त्र सुचिंतित पुनि पुनि देखिअ। भूप सुसेवित बस नहिं लेखिअ।।  
रखिअ नारि जदपि उर मारि। जुबती सास्त्र नृपति बस नार्हीं।।  
देखहु तात बसंत सुहावा। प्रिया हीन मोहि भय उपजावा।।
- दोहा** बिरह बिकल बलहीन मोहि जानेसि निपट अकेल।  
सहित बिपिन मधुकर खग मदन कीन्ह बगमेल।।३७(क)।।  
देखि गयउ भ्राता सहित तासु दूत सुनि बात।  
डेरा कीन्हेउ मनहुँ तब कटकु हटकि मनजात।।३७(ख)।।
- चौपाई** बिटप बिसाल लता अरुझानी। बिबिध बितान दिए जनु तानी।।  
कदलि ताल बर धुजा पताका। देखि न मोह धीर मन जाका।।  
बिबिध भाँति फूले तरु नाना। जनु बानैत बने बहु बाना।।



कहूँ कहूँ सुन्दर बिटप सुहाए। जनु भट बिलग बिलग होइ छाए॥  
 कूजत पिक मानहुँ गज माते। ढेक महोख ऊँट बिसराते॥  
 मोर चकोर कीर बर बाजी। पारावत मराल सब ताजी॥  
 तीतिर लावक पदचर जूथा। बरनि न जाइ मनोज बरुथा॥  
 रथ गिरि सिला दुंदुभी झरना। चातक बंदी गुन गन बरना॥  
 मधुकर मुखर भेरि सहना  
 चतुरंगिनी सेन सँग लीन्हें। बिचरत सबहि चुनौती दीन्हें॥  
 लछिमन देखत काम अनीका। रहहिं धीर तिन्ह कै जग लीका॥  
 एहि कें एक परम बल नारी। तेहि तें उबर सुभट सोइ भारी॥

**दोहा** तात तीनि अति प्रबल खल काम क्रोध अरु लोभ।  
 मुनि बिग्यान धाम मन करहिं निमिष महुँ छोभ॥३८(क)॥  
 लोभ कें  
 क्रोध के परुष बचन बल मुनिबर कहहिं विचारि॥३८(ख)॥

**चौपाई** गुनातीत सचराचर स्वामी। राम उमा सब अंतरजामी॥  
 कामिन्ह कै दीनता देखा  
 क्रोध मनोज लोभ मद माया। छूटहिं सकल राम कीं दया॥  
 सो नर इ सो नट अनुकूला॥  
 उमा कहउँ मैं अनुभव अपना। सत हरि भजनु जगत सब सपना॥  
 पुनि प्रभु गए सरोबर तीरा। पंपा नाम सुभग गंभीरा॥  
 संत हृदय जस निर्मल बारी। बाँधे घाट मनोहर चारी॥  
 जहँ तहँ पिअहिं विविध मृग नीरा। जनु उदार गृह जाचक भीरा॥

**दोहा** पुर  
 मायाछन्न न देखिए जैसे निर्गुन ब्रह्म॥३९(क)॥  
 सुखि मीन सब एकरस अति अगाध जल माहिं।  
 जथा धर्मसीलन्ह के दिन सुख संजुत जाहिं॥३९(ख)॥

**चौपाई** बिकसे सरसिज नाना रंगा। मधुर मुखर गुंजत बहु भुंगा॥  
 बोलत जलकुक्कुट कलहंसा। प्रभु बिलोकि जनु करत प्रसंसा॥  
 चक्रवाक बक खग समुदाइ बरनि नहिं जा  
 सुन्दर खग गन गिरा सुहा  
 ताल समीप मुनिन्ह गृह छाए। चहु दिसि कानन बिटप सुहाए॥  
 चंपक बकुल कदंब तमाला। पाटल पनस परास रसाला॥  
 नव पल्लव कुसुमित तरु नाना। चंचरीक पटली कर गाना॥  
 सीतल मंद सुगंध सुभाऊ। संतत बहइ मनोहर बाऊ॥  
 कुहू कुहू कोकिल धुनि करहीं। सुनि रव सरस ध्यान मुनि टरहीं॥

**दोहा** फल भारन नमि बिटप सब रहे भूमि निअरा  
 पर उपकारी पुरुष जिमि नवहिं सुसंपति पा

**चौपाई** देखि राम अति रुचिर तलावा। मज्जनु कीन्ह परम सुख पावा॥  
 देखी सुंदर तरुबर छाया। बैठे अनुज सहित रघुराया॥

तहँ पुनि सकल देव मुनि आए। अस्तुति करि निज धाम सिधाए।।  
बैठे परम प्रसन्न कृपाला। कहत अनुज सन कथा रसाला।।  
बिरहवंत भगवंतहि देखी। नारद मन भा सोच बिसेषी।।  
मोर साप करि अंगीकारा। सहत राम नाना दुख भारा।।  
ऐसे प्रभुहि बिलोकउँ जा  
यह बिचारि नारद कर बीना। गए जहाँ प्रभु सुख आसीना।।  
गावत राम चरित मृदु बानी। प्रेम सहित बहु भाँति बखानी।।  
करत दंडवत लिए उठा  
स्वागत पूँछि निकट बैठारे। लछिमन सादर चरन पखारे।।

**दोहा** नाना बिधि बिनती करि प्रभु प्रसन्न जियँ जानि।  
नारद बोले बचन तब जोरि सरोरुह पानि।।४१।।

**चौपाई** सुनहु उदार सहज रघुनायक। सुंदर अगम सुगम बर दायक।।  
देहु एक बर मागउँ स्वामी। जद्यपि जानत अंतरजामी।।  
जानहु मुनि तुम्ह मोर सुभाऊ। जन सन कबहुँ कि करउँ दुराऊ।।  
कवन बस्तु असि प्रिय मोहि लागी। जो मुनिबर न सकहु तुम्ह मागी।।  
जन कहुँ कछु अदेय नहिं मोरें। अस बिस्वास तजहु जनि भोरें।।  
तब नारद बोले हरषा  
जद्यपि प्रभु के नाम अनेका। श्रुति कह अधिक एक तें एका।।  
राम सकल नामन्ह ते अधिका। होउ नाथ अघ खग गन बधिका।।

**दोहा** राका रजनी भगति तव राम नाम सोइ सोम।  
अपर नाम उडगन विमल बसुहुँ भगत उर ब्योम।।४२(क)।।  
एवमस्तु मुनि सन कहेउ कृपासिंधु रघुनाथ।  
तब नारद मन हरष अति प्रभु पद नायउ माथ।।४२(ख)।।

**चौपाई** अति प्रसन्न रघुनाथहि जानी। पुनि नारद बोले मृदु बानी।।  
राम जबहिं प्रेरेउ निज माया। मोहेहु मोहि सुनहु रघुराया।।  
तब बिबाह मैं चाहउँ कीन्हा। प्रभु केहि कारन करै न दीन्हा।।  
सुनु मुनि तोहि कहउँ सहरोसा। भजहिं जे मोहि तजि सकल भरोसा।।  
करउँ सदा तिन्ह के रखवारी। जिमि बालक राखइ महतारी।।  
गह सिसु बच्छ अनल अहि धाइ जननी अरगा  
प्रौढ़ भएँ तेहि सुत पर माता। प्रीति करइ नहिं पाछिलि बाता।।  
मोरे प्रौढ़ तनय सम ग्यानी। बालक सुत सम दास अमानी।।  
जनहि मोर बल निज बल ताही। दुहु कहँ काम क्रोध रिपु आही।।  
यह बिचारि पंडित मोहि भजहीं। पाएहुँ ग्यान भगति नहिं तजहीं।।

**दोहा** काम क्रोध लोभादि मद प्रबल मोह कै धारि।  
तिन्ह महुँ अति दारुन दुखद मायारूपी नारि।।४३।।

**चौपाई** सुनि मुनि कह पुरान श्रुति संता। मोह बिपिन कहँ नारि बसंता।।  
जप तप नेम जलाश्रय झारी। होइ ग्रीषम सोषइ सब नारी।।  
काम क्रोध मद मत्सर भेका।

दुर्बासना कुमुद समुदा  
धर्म सकल सरसीरुह बृंदा। होइ हिम तिन्हहि दहइ सुख मंदा।।  
पुनि ममता जवास बहुताइ नारि सिंसिर रितु पा  
पाप उलूक निकर सुखकारी। नारि निबिड़ रजनी अंधिआरी।।  
बुधि बल सील सत्य सब मीना। बनसी सम त्रिय कहहिं प्रवीना।।

दोहा अवगुन मूल सूलप्रद प्रमदा सब दुख खानि।  
ताते कीन्ह निवारन मुनि में यह जियँ जानि।।४४।।

चौपाई सुनि रघुपति के बचन सुहाए। मुनि तन पुलक नयन भरि आए।।  
कहहु कवन प्रभु कै असि रीती। सेवक पर ममता अरु प्रीती।।  
जे न भजहिं अस प्रभु भ्रम त्यागी। ग्यान रंक नर मंद अभागी।।  
पुनि सादर बोले मुनि नारद। सुनहु राम बिग्यान बिसारद।।  
संतन्ह के लच्छन रघुबीरा। कहहु नाथ भव भंजन भीरा।।  
सुनु मुनि संतन्ह के गुन कहऊँ। जिन्ह ते मैं उह केँ बस रहऊँ।।  
षट बिकार जित अनघ अकामा। अचल अकिंचन सुचि सुखधामा।।  
अमितबोध अनीह मितभोगी। सत्यसार कबि कोबिद जोगी।।  
सावधान मानद मदहीना। धीर धर्म गति परम प्रवीना।।

दोहा गुनागार संसार दुख रहित बिगत संदेह।।  
तजि मम चरन सरोज प्रिय तिन्ह कहूँ देह न गेह।।४५।।

चौपाई निज गुन श्रवन सुनत सकुचाहीं। पर गुन सुनत अधिक हरषाहीं।।  
सम सीतल नहिं त्यागहिं नीती। सरल सुभाउ सबहिं सन प्रीती।।  
जप तप ब्रत दम संजम नेमा। गुरु गोबिंद बिप्र पद प्रेमा।।  
श्रद्धा छमा मयत्री दायी। मुदिता मम पद प्रीति अमाया।।  
बिरति बिबेक विनय बिग्याना। बोध जथारथ बेद पुराना।।  
दंभ मान मद करहिं न काऊ। भूलि न देहिं कुमारग पाऊ।।  
गावहिं सुनिहिं सदा मम लीला। हेतु रहित परहित रत सीला।।  
मुनि सुनु साधुन्ह के गुन जेते। कहि न सकहिं सारद श्रुति तेते।।

छंद कहि सक न सारद सेष नारद सुनत पद पंकज गहे।  
अस दीनबंधु कृपाल अपने भगत गुन निज मुख कहे।।  
सिरु नाह बारहिं बार चरनन्हि ब्रह्मपुर नारद गए।।  
ते धन्य तुलसीदास आस बिहाइ जे हरि रँग रँए।।

दोहा रावनारि जसु पावन गावहिं सुनिहिं जे लोग।  
राम भगति दृढ़ पावहिं बिनु बिराग जप जोग।।४६(क)।।  
दीप सिखा सम जुबति तन मन जनि होसि पतंग।  
भजहि राम तजि काम मद करहि सदा सतसंग।।४६(ख)।।